

KERATAN AKHBAR

TARIKH : 14 OKTOBER 2023
AKHBAR : BERITA HARIAN
MUKA SURAT : 11

Peruntukan RM393.8b pastikan ekonomi negara kekal mampan

Peruntukan RM393.8b pastikan ekonomi negara kekal mampan

Tiga kementerian penerima utama Belanjawan 2024 babit 42.3 peratus daripada jumlah perbelanjaan

Kerajaan Persekutuan bertekad memperuntukkan sumber bagi memperkuh pembentukan modal ke arah memastikan kemampanan pertumbuhan ekonomi dalam jangka masa panjang dengan sejumlah RM393.8 bilion atau 19.9 peratus daripada Keluaran Dalam Negara Kasar (KDNK) diperuntukkan bagi Belanjawan 2024.

Daripada jumlah itu, RM303.8 bilion atau 77.1 peratus disalurkan kepada perbelanjaan mengurus (OE), manakala baki RM90 bilion diperuntukkan kepada perbelanjaan pembangunan (DE).

Kementerian Kewangan, Kementerian Pendidikan dan Kementerian Kesihatan adalah tiga penerima utama Belanjawan 2024 merangkumi 42.3 peratus daripada jumlah perbelanjaan.

Mengikut sektor, sektor sosial diperuntukkan RM149.7 bilion atau 7.6 peratus daripada KDNK, diikuti ekonomi (RM66.7 bilion; 3.4 peratus), keselamatan (RM40.1 bilion; dua peratus) dan pentadbiran am (RM16.9 bilion; 0.9 peratus).

Baki RM120.4 bilion diperuntukkan bagi perbelanjaan tanggungan dan bayaran pindahan.

Peruntukan OE dianggar sebanyak RM303.8 bilion atau 15.4 peratus daripada KDNK bagi terus menyokong penggunaan sektor awam.

Walaupun terdapat peningkatan peruntukan untuk emolumen, bayaran khidmat hutang (DSC), bayaran persaraan serta perkhidmatan dan bekalan, namun kenaikan itu diimbangi dengan peruntukan subsidi lebih rendah yang menyebabkan OE meningkat sedikit pada kadar 12 peratus berbanding 2023.

Emolumen untuk penjawat awam kekal sebagai komponen terbesar yang merangkumi 31.59 peratus daripada OE dan dijangka meningkat 4.8 peratus kepada RM95.6 bilion.

Pertumbuhan itu terutama disumbangkan oleh kenaikan gaji tahunan dan pengambilan baharu untuk mengisi jawatan kritikal khususnya dalam perkhidmatan kesihatan dan pendidikan.

Subsidi dan bantuan sosial yang merangkumi 17.4 peratus daripada OE diunjur menyusut 17.9 peratus kepada RM52.8 bilion disebabkan pelaksanaan program rasionalisasi subsidi secara berperingkat terutama bahan api dan elektrik.

Daripada jumlah itu, sekitar 60 peratus digunakan untuk pembayaran subsidi, manakala selebihnya adalah untuk bantuan sosial dan insentif.

Di samping itu, program bantuan sosial akan terus diperkuh melalui pembangunan pangkalan data berpusat yang baharu untuk mengatasi isu ralat pemasukan dan penyisihan.

Pembiayaan Kerajaan Persekutuan (2022-2023)

	RM JUTA		BAHAGIAN (%)	
	2022	2023 ²	2022	2023 ²
Pinjaman Kasar	RM230.95 bilion	RM228.5 bilion	100 peratus	100 peratus
Dalam Negeri	RM230.95 bilion	RM228.5 bilion	100 peratus	100 peratus
MGS	RM86.5 bilion	RM91.0 bilion	37.5 peratus	39.8 peratus
MGI	RM85.0 bilion	RM95.0 bilion	36.8 peratus	41.6 peratus
Bil Perbendaharaan	RM59.45 bilion	RM42.5 bilion	25.7 peratus	18.6 peratus
Luar pesisir	-	-	-	-
Pinjaman pasaran	-	-	-	-
Pinjaman projek	-	-	-	-
Bayaran Balik	RM131.53 bilion	RM135.22 bilion	100 peratus	100 peratus
Dalam Negeri	RM131.26 bilion	RM134.92 bilion	99.8 peratus	99.8 peratus
Luar Pesisir	RM266 juta	RM300 juta	0.2 peratus	0.2 peratus
Pinjaman Bersih	RM99.421 bilion	RM93.28 bilion	-	-
Dalam Negeri	RM99.687 bilion	RM93.58 bilion	-	-
Luar Pesisir	-RM266 juta	-RM300 juta	-	-
Perubahan Aset ¹	RM61 juta	-RM40 juta	-	-
Jumlah Pembiayaan Defisit	RM99.482 bilion	RM93.24 bilion	-	-

¹ (+) menunjukkan pengurangan aset, (-) menunjukkan pertambahan aset
² Anggaran

Sumber: Kementerian Kewangan Malaysia

